



Republika e Kosovës

Republika Kosovo - Republic of Kosovo

Qeveria - Vlada - Government

Ministria e Administrimit të Pushtetit Lokal

Ministarstvo Administracije Lokalne Samouprave

Ministry of Local Government Administration



Për:	Agim Aliu, Kryetar i Komunës së Ferizajit Kristina Gashi bytyqi, Kryesuese e kuvendit të Komunës së Ferizajit	
Kopje:	Njesisë për Administrimin e Dokumenteve në MAPL Njesisë për Administrimin e Dokumenteve në Komunë	
Përmes:	Adrijana Hodžić, Ministre e MAPL-së Rozafa Ukimeraj, Sekretare e Përgjithshme e MAPL-së	
Nga:	Venera Çerkini Udhëheqës e Departamentit Ligjor dhe Monitorim të Komunave	Datë: 22/01/2020 Nr. 0-13
Zyrtari përgjegjës	Xhevat Tafa, Udhëheqës i Divizionit për Monitorim të Komunave	
Zyratri hartues i vlerësimit të aktit	Driton Xhafa, Zyrtarë i Monitorimit të Komunave	
Lënda:	Kërkesë për rishqyrtimin e ligjshmërisë së aktit të Komunës së Ferizajit	
Lloji i aktit:	Rregullore e Kuvendit të Komunës	

I nderuar Kryetar,
E nderuara Kryesuese,

Në pajtim me Rregulloren e Qeverisë së Republikës së Kosovës Nr. 10/2019 për Shqyrtimin Administrativ të Akteve të Komunave, e në bazë të kompetencave ligjore të ministrisë të përcaktuara me ligjet bazike dhe Rregulloren e Qeverisë Nr. 02/2011 për Fushat dhe Përgjegjësitë Administrative të Zyrës së Kryeministrit dhe Ministrive, Departamenti Ligjor dhe Monitorim të Komunave i Ministrisë së Administrimit të Pushtetit Lokal ka pranuar për shqyrtim të detyrueshëm të ligjshmërisë ashtu siç parashihet me nenin 80 të Ligjit Nr. 03/L-040 për Vetëqeverisje Lokale aktin komunal në vijim:

Rregulloren nr. 153 për Transparencë të Kuvendit të Komunës së Ferizajit
I miratuar më datë: 30.12.2019
I parashtruar për shqyrtim në MAPL më datë: 08.01.2020

Komisioni Nderministror i formuar nga Sekretarja e Përgjithëshme e MAPL-së me vendimin Nr.02-1097, si dhe Rregulloren e Qeverisë së Republikës së Kosovës Nr. 10/2019 për Shqyrtimin Administrativ të Akteve të Komunave, pas shqyrtimit të përmbajtjes së aktit të komunës si më sipër, vlerëson se akti i komunës është në kundërshtim me dispozitat e legjislacionit në fuqi.


Mos pajtueshmëritë e aktit të komunës të parashtruar për shqyrtim të ligjshmërisë janë si në vijim:

Nr.	Formulimi në aktin e komunës	Dispozita ligjore me të cilën akti i komunës është në kundërshtim.
1.	Rregulloren nr. 153 për Transparencë të Kuvendit të Komunës së Ferizajt	• Paragrafi 6 i nenit 4 dhe paragrafi 1 i nenit 18 të Rregullores për Transparencë të Komunës së Ferizajt, nuk janë në harmoni me njëra-tjetrën lidhur me publikimin e akteve të komunës duke përcaktuar afate të ndryshme <i>“tetë (8) ditë pas konfirmimit nga MAPL, përkatësisht shatë (7) ditë pune pas konfirmimit të ligjshmërisë”</i>. Sipas Rregullores Nr.01/2017 për Procedurën e Hartimit dhe Publikimin e Akteve komunale në nenin 17 paragrafi 1 është përcaktuar se <i>“Aktet normative të komunës hyjnë në fuqi shtate (7) ditë pas publikimit të aktit në ueb-faqen zyrtare të komunës, përveç nëse me vetë aktin nuk është përcaktuar ndryshe</i>. • Paragrafi 2 i nenit 5 të Rregullores për Transparencë të Komunës së Ferizajt me të cilin përcaktohet se <i>“zyra për komunikim njofton publikun (2) dy ditë para mbledhjeve të komitetit për politikë dhe financa”</i>, është në kundërshtim me paragrafin 3 të nenit 4 të Udhëzimit Administrativ Nr. 04/2018 për Transparencë në Komuna, sipas të cilit <i>“Kryesuesi i mbledhjes së Kuvendit të Komunës ose Komitetit përkatës, nëpërmes njësisë/zyrtarit për informim, njofton publikun së paku shtatë (7) ditë pune para mbledhjeve të rregullta dhe tre (3) ditë pune para mbledhjeve të jashtëzakonshme”</i>. • Paragrafi 8 dhe 9 i nenit 6 të kësaj Rregullore duhet t’i harmonizoj afatet për peticione konform paragrafit 4 dhe 5 të nenit 9 të Udhëzimit Administrativ Nr.04/2018 për Transparencë. • Neni 8 i Rregullores së lartpërmendur duhet të harmonizohet dhe plotësohet, ashtu që në fund të fjalisë së dytë të shtohet pasuesi <i>“në pajtim me format dhe teknikat e konsultimit publik të parapara në Udhëzimin Administrativ për (MAPL) Nr. 06/2018 për Standardet Minimale të Konsultimit Publik në Komuna”</i>.

		Neni 9 i Rregullores për Transparencë të Ferizajt është në kundërshtim me nenin 8 të Udhëzimit Administrativ për (MAPL) Nr. 06/2018 për Standardet Minimale të Konsultimit Publik në Komuna, sipas të cilit <i>“në çdo komunë, përgjegjës për koordinimin e procesit të konsultimit publik është njësi/zyrtari për komunikim publik”</i>.
--	--	---

Bazuar në të cekurat më lartë, Komisioni Nderministror i formuar nga Ministria e Administrimit të Pushtetit Lokal kërkon nga Kuvendi i Komunës/Kryetari i Komunës që të ndërmarrin veprime konkrete që aktin e komunës ta harmonizojnë me dispozitat ligjore në fuqi, brenda 30 ditësh nga data e pranimi të kërkesës për rishqyrtim të aktit.

Ministria e Administrimit të Pushtetit Lokal, mbetet në dispozicion të komunës për çfarëdo sqarimi të mëtejshëm në lidhje me këtë vlerësim.



Republika e Kosovës
Republika Kosova-Republic of Kosovo
Qeveria - Vlada - Government
Ministria e Administrimit të Pushtetit Lokal
Ministarstvo Administracije Lokalne Samouprave
Ministry of Local Government Administration

Za:	Agim Aliu, gradonačelnik opštine Uroševac Kristina Gashi Bytyqi, predsedavajuća Skupštine opštine Uroševac	
Kopija:	Jedinici za administraciju dokumenata u MALS-u, Jedinici za administraciju dokumenata u opštini,	
Preko:	Adrijana Hodžić, ministarka MALS-a, Rozafa Ukimeraj, generalna sekretarica MALS_a,	
Od:	Venera Çerkini rukovodilac Pravnog odeljenja i monitorisanje opština, MALS	Dana, 22.01.2020. Br: 0-13
Odgovorni službenik:	Xhevat Tafa, rukovodilac Odseka za monitorisanje opština MALS	
Službenik-ca za izradu pravne procene:	Driton Xhafa, službenik za monitorisanje opština	
Predmet:	Zahtev za reviziju zakonitosti akta opštine Uroševac	
Vrsta akta:	Odluka Skupštine opštine	

Uvaženi gradonačelnice,
Uvažena predsedavajuća,

U saglasnosti sa uredbom Vlade Republike Kosova br. 10/2019 o administrativnom razmatranju opštinskih akata i na osnovu zakonskih ovlašćenja određenim osnovnim zakonima i uredbom Vlade br. 02/2011 o poljima odgovornosti administrativne Kancelarije premjera i ministarstva, Pravno odeljenje i monitorisanje opština MALS-a, primilo je za obavezno razmatranje zakonitosti akta opštine kako je predviđeno članom 80. Zakona br.03/L-040 o lokalnoj samoupravi kao u nastavku:

Uredbu br. 153 o transparentnosti skupštine opštine Uroševac
Usvojena dana, 30.12.2019.
Predložena za razmatranje u MALS-u, dana, 08.01.2020.

Međuministarska komisija formirana od strane generalne sekretarke MALS-a sa Odlukom br.02-1097, kao i Uredbom Vlade Republike Kosovo Br. 10/2019 o administrativnom razmatranju opštinskih akata, nakon razmatranja sadržaja gore pomenutog akta, ocenjuje da opštinski akt u suprotnosti sa odredbama zakonodavstva na snazi.

U nastavku možete naći neslaganja opštinskog akta koji je dostavljen za razmatranje zakonitosti:

Br.	Formulisano u aktu opštine	Zakonska odredba sa kojom je akt opštine u suprotnosti.
1.	Uredbu br. 153 o transparentnosti skupštine opštine Uroševac	- stav 6, člana 4 i stav 1 člana 18, Uredbe o transparentnosti opštine Uroševac, nisu u skladu sa jedni-drugim u vezi sa objavljivanjem opštinskih akata određujući različite vremenske rokove "osam (8) dana nakon utvrđivanja od strane MALS-a, odnosno sedam (7) radnih dana nakon utvrđivanja zakonitosti". Prema Uredbi br.01/2017 o procedurama izrade i objavljivanja opštinskih akata, u članu 17 stav 1 je definisano "opštinski normativni akti stupaju na snagu sedam (7) dana nakon objavljivanja akta na službenoj web stranici opštine, osim ako samim aktom nije drugačije. - stav 2 člana 5 Uredbe o transparentnosti opštine Uroševac sa kojom se određuje da: "kancelarija za komuniciranje obaveštava javnost (2) dva dana pre održavanja sastanka odbora za politiku i finansije", u suprotnosti je sa stavom 3 člana 4 Administrativnog uputstva br. 04/2018 o transparentnosti u opštinama, pri čemu: "Predsedavajući sednice Skupštine opštine ili relevantnog odbora, putem jedinice ili službenika za informisanje, obaveštava javnost najmanje sedam (7) radnih dana pre održavanja redovnih sednica i tri (3) radna dana pre održavanja vanrednih sednica". - stavovi 8 i 9 člana 6, ove uredbe treba da se usklađuje sa peticionim rokovima u skladu sa stavom 4 i 5 člana 9, Administrativnog uputstva br.04/2018 o transparentnosti. - član 8 gore navedene Uredbe treba uskladiti i dopuniti tako da se na kraju druge rečenice doda naslednik "u skladu sa oblicima i tehnikama javne konsultacije, predviđenim u Administrativnom uputstvu MALS-a br. 06/2018 o minimalnim standardima javne konsultacije u opštinama". - član 9 Uredbe o transparentnosti u opštini Uroševac u suprotnosti je sa članom 8 Administrativnog uputstva MALS-a br. 06/2018 o minimalnim standardima pri čemu " u svakoj opštini, odgovorni za koordinisanje postupka javne konsultacije je jedinica ili opštinski službenik za javno komuniciranje".

Iz gore navedenog, Međuministarska komisija formirana od strane MALS-a od Skupštine opštine i gradonačelnika opštine **traži** da preduzimaju konkretne delatnosti kako bi akt opštine uskladile sa zakonskim odredbama na snazi, unutar predviđenog roka od 30 dana, od dana prijema zahteva za reviziju akta.

Ministarstvo administracije lokalne samouprave, ostaje na raspolaganju opštini za daljna objašnjenja u vezi sa ovom procenom.



REPUBLIKA E KOSOVES • REPUBLIKA KOSOVA • REPUBLIC OF KOSOVO
KOMUNA E FERIZAJT • OPŠTINA UROŠEVAC • MUNICIPALITY OF FERIZAJ



MINISTRI E KULLENES A KONTINGO
KOSOVA REPUBLIC OF KOSOVO
REPUBLIC OF KOSOVO
Ministry of Local Government Administration
Ministry of Local Government Administration
Date: 08.01.2020
Time: 10:13
-U- 0-13

RREGULLORE KOMUNALE PËR TRANSPARENCË

Dhjetor 2019

Në bazë të nenit 12 paragrafi 1 dhe 2 shkronja e) lidhur me nenin 58, paragrafi 1, shkronja h) të Ligjit nr. 03/L-040 për Vetëqeverisjen Lokale, Ligjit Nr. 06/L-081 për Qasje në Dokumente Publike, nenit 10 paragrafi 2, pika 2.2, nenit 23 dhe 25 të Statutit të Komunës së Ferizajt 01.Nr. 50 të datës 28.06.2013, Udhëzimit Administrativ (MAPL) nr. 04/2018 për Transparencë në Komuna, dhe Udhëzimit Administrativ (MAPL) nr. 06/2018 për Standardet Minimale të Konsultimit Publik në Komuna, Kryetari i Komunës së Ferizajt, Agim Aliu i propozon Kuvendit të Komunës të miratoj këtë:

RREGULLORE KOMUNALE PËR TRANSPARENÇË

I. DISPOZITATE PËRGJITHSHME

Neni 1 Qëllimi

Më këtë Rregullore synohet që të arrihet:

1. Forcimi i transparencës në punën e organeve të Komunës; Kuvendit të Komunës, Kryetarit të Komunës, organeve të Administratës; drejtorive komunale, institucioneve arsimore dhe shëndetësore, punës së ndërmarrjeve publike komunale dhe pritjes së pjesëmarrjes së publikut në vendimmarrje në nivel lokal;
2. Zbatimi i ligjit dhe praktikave më të mira administrative për qasje në dokumente publike.

Neni 2 Fushëveprimi

1. Kjo Rregullore, rregullon pjesëmarrjen e publikut në mbledhjen e Kuvendit të Komunës dhe komiteteve të tij, obligimin për njoftim publik, konsultimet lidhur me aktet komunale, pjesëmarrjen e publikut në vendimmarrje dhe qasjen në dokumentet zyrtare të Komunës

Neni 3 Përkufizimet

1. Në hartimin e kësaj Rregulloreje janë përdorur përkufizimet e mëposhtme:
2. **"Mbledhjet e Kuvendit të Komunës"** - nënkupton mbledhjet e rregullta dhe të jashtëzakonshme të Kuvendit të Komunës;
3. **"Komitetet"** - nënkupton trupa ndihmëse që i ndihmojnë Kuvendit në përmbushjen e përgjegjësiave të caktuara me LVL-në dhe me Statutin e Komunës;
4. **"Pjesëmarrja e publikut"** - nënkupton pjesëmarrjen e qytetarëve, OJQ-ve, etj... në vendimmarrje;

5. **"Njoftimi i publikut"** - nënkupton njoftimin e publikuar në tabelën e shpalljeve në ndërtesën e Komunës, publikimin e njoftimeve në gazetat e përditshme, medie lokale dhe ueb faqe të komunës për mbajtjen e mbledhjeve të Kuvendit, komiteteve dhe organeve administrative, institucioneve arsimore, shëndetësore dhe ndërmarrjeve publike lokale;
6. **"Tubime publike"** - nënkupton tubimet e organizuara nga Komuna, administrata - drejtoritë, njësitë/zyrat dhe ndërmarrjet publike lokale, me qëllim të njoftimit për punën e bërë apo dhënien e propozimeve;
7. **"Peticioni"** - nënkupton kërkesën që i adresohet Komunës, konform përgjegjësisë së saj;
8. **"Konsultim publik i akteve komunale"** - nënkupton seancën dëgjimore dhe marrjen e propozimeve, sugjerimeve dhe vërejtjeve të publikut para miratimit të aktit;
9. **"Qasja në dokumentet zyrtare"** - nënkupton shikimin dhe ofrimin e dokumenteve zyrtare të Komunës, në pajtim me Ligjin për Qasje në Dokumente Publike.

Neni 4

Mbledhjet e Kuvendit të Komunës

1. Mbledhjet e Kuvendit të Komunës janë të hapura për publikun, shoqërinë civile dhe përfaqësuesit e mjeteve të informimit publik.
2. Kuvendi i Komunës njofton publikun për mbajtjen e mbledhjeve përmes Zyrës për Marrëdhënie me Publikun, të paktën 7 ditë pune para mbledhjeve të rregullta, ose 3 ditë para mbledhjeve të jashtëzakonshme dhe brenda ditës për mbledhjet urgjente.
3. Njoftimi publik bëhet përmes:
 - medieve të shkruara, elektronike, medieve sociale dhe
 - ueb-faqes së Komunës.
4. Njoftimi me shkrim për publikun përmban: (i) datën e mbajtjes së mbledhjes, (ii) kohën e mbajtjes së mbledhjes, (iii) vendin e mbajtjes së mbledhjes dhe (iv) rendin e ditës të caktuar për atë mbledhje.
5. Mbledhjet e Kuvendit të Komunës mund të jenë të mbyllura pjesërisht ose tërësisht, vetëm për shkaqet e parashikuara nga legjislacioni në fuqi. Në këto raste, me vendim të arsyetuar, Kuvendi i Komunës, i shpall mbledhjet pjesërisht ose tërësisht të mbyllura për publikun.
6. Të gjitha rregulloret dhe vendimet e Kuvendit të Komunës, publikimi i të cilave nuk kufizohet nga legjislacioni në fuqi për qasje në dokumentet zyrtare, duhet të bëhen publike tetë (8) ditë pas konfirmimit të ligjshmërisë.
7. Rregulloret dhe vendimet e Kuvendit të Komunës publikohen në ueb-faqen e Komunës së Ferizajt.
8. Transmetimi në ueb faqe të Komunës i seancave të KK-së, në bazë të Udhëzimit Administrativ (MAPL) nr. 04/2018 për Transparencë në Komuna.

Neni 5

Mbledhja e Komitetit për Politikë dhe Financa dhe Komitetet tjera

1. Mbledhjet e Komitetit për Politikë dhe Financa dhe komitetet tjera janë të hapura për përfaqësuesit e mjeteve të informimit publik.
2. Mbledhjet e Komitetit për Politikë dhe Financa dhe komitetet tjera mund të jenë të mbyllura për

- shkaqet e parashikuara nga legjislacioni në fuqi. Vendimin për këtë e merr kryesuesi i mbledhjes.
- Zyra për Komunikim me Publikun njofton mjetet e informimit publik 2 ditë para mbajtjes së mbledhjeve. Njoftimi duhet të përmbajë: datën e mbajtjes së mbledhjes, kohën e mbajtjes së mbledhjes, vendin e mbajtjes së mbledhjes dhe rendin e ditës të caktuar për atë mbledhje.
 - Të gjitha propozimet e komiteteve, publikimi i të cilave nuk kufizohet nga legjislacioni në fuqi për qasje në dokumentet publike, duhet të jenë në dispozicion për publikun sipas kërkesës.

Neni 6 Peticioni

- Secili qytetar dhe person juridik që ka interes në Komunë, ka të drejtë që, me vetiniciativë, përmes formës së peticionit, t'i propozojë Kuvendit të Komunës nxjerrjen e akteve juridike, me të cilat do të zgjidheshin çështjet e rëndësishme për qytetarët e komunës.
- Subjekti e përmendura më lartë, mund t'i drejtojnë peticion Kuvendit të Komunës për çështjet që janë në kompetencën e tij, në mënyrë të pakufizuar, e që kanë të bëjnë me:
 - rregullimin e qytetit,
 - mirëmbajtjen e rendit dhe të infrastrukturës së komunës - qytetit,
 - urbanizimin e qytetit dhe të fshatit,
 - mirëmbajtjen e mjedisit jetësor,
 - zbatimin e vetëkontrollit dhe
 - çështje të tjera të rëndësishme për jetën e qytetarëve.
- Një iniciativë e tillë e subjekteve fillon me nënshkrimin e tyre në formë të peticionit, me propozim të veçantë të çështjes së caktuar, dhe i drejtohet Kuvendit të Komunës përmes zyrës së drejtorit të Drejtorisë së Administratës së Përgjithshme.
- Kuvendi i Komunës mund të delegojë shqyrtimin e peticioneve të tilla në komitete të përherëshme.
- Kur një peticion nënshkruhet nga më shumë se 10% e qytetarëve të regjistruar në listën e votuesve, e që ka të bëjë me çështjet që janë të lidhura me qytetin, Kuvendi i Komunës duhet ta shqyrtojë çështjen. Për çështjet që kanë të bëjnë me fshatra apo lagje të caktuara, peticioni duhet të shqyrtohet nga Kuvendi i Komunës, nëse atë e nënshkruajnë së paku 10% e qytetarëve të regjistruar në listën e votuesve, banorë të atij fshati apo të asaj lagjeje.
- Nëse një fshat, vendbanim apo lagje që, ka më pak se 4 500 banorë të regjistruar në listat e votuesve, peticioni do të jetë i vlefshëm nëse atë e nënshkruajnë 20 % e banorëve të regjistruar në regjistrat e votuesve.
- Çdo peticion duhet të përmbajë emrin dhe adresën e parashtrues/it-ve, emrin dhe adresën e nënshkrues/it-ve, si dhe lëndën e peticionit. Lënda e peticionit duhet të çeket qartë në secilën faqe. Komitetet mund t'i bëjnë peticione Kuvendit të Komunës përmes Komitetit të Komuniteteve. Përmbajtja e peticionit duhet të jetë ashtu siç është çekur më lartë. Një peticion i cili nuk përmban elementet e duhura, nuk konsiderohet i vlefshëm.
- Drejtori i Drejtorisë së Administratës, në afat prej 30 ditësh nga dita që ai e pranon çdo peticion të vlefshëm, ia prezanton Komitetit për Politikë dhe Financa dhe Kuvendit të Komunës. Kuvendi i Komunës mund t'ia referojë për shqyrtim të mëtejme komitetit të caktuar. Përfaqësuesit e parashtruesve të peticionit e kanë të drejtën e pjesëmarrjes së drejtpërdrejtë në mbledhje të Komitetit dhe të Kuvendit të Komunës, me rastin e shqyrtimit të peticionit.
- Vendimin përfundimtar për çështjen e peticionit e merr Kuvendi i Komunës, në afat prej 6 (gjashtë)

javësh nga dita e prezantimit të peticionit në Kuvend. Vendimi do të arsyetohet me shkrim dhe do t'i komunikohet parashtrues/it-ve të peticionit

Neni 7 **Takimet me publikun**

1. Komuna/Kryetari organizon takime publike periodike me qytetarë së paku dy herë në vit.
2. Në takimet me qytetarë, përfaqësuesit komunal i informojnë pjesëmarrësit për çështjet që i përkasin interesit të përbashkët për zhvillimin e jetës dhe politikës komunale.
3. Tubimet janë të karakterit të hapur dhe në to mund të marrin pjesë të gjithë të interesuarit.
4. Tubimet publike janë të hapura për përfaqësuesit e mjeteve të informimit publik.
5. Pjesëmarrësit në këto tubime mund të marrin iniciativa, të japin propozime, sugjerime dhe të shprehin mendime për zgjidhjen e çështjeve të caktuara.
6. Njëri tubim duhet të mbahet në gjashtëmuorin e parë të vitit, ndërsa tjetri në gjashtëmuorin e dytë.
7. Nëse gjatë vitit mbahen vetëm dy takime me qytetarë, atëherë ndërmjet këtyre mbledhjeve duhet të ketë një interval kohor prej së paku tre muajsh.
8. Tubimet e tilla mund të organizohen edhe nëpër fshatra, vendbanime dhe lagje të caktuara urbane.
9. Vendi, data dhe koha kur do të mbahen takimet me qytetarë shpallen në mjetet e informimit publik, në tabelën e shpalljeve në ndërtesën-at e Komunës dhe në vendet më të frekuentuara në qytet, në fshatra dhe në lagje urbane, si dhe në ueb-faqen e Komunës dhe atë 4 ditë para mbajtjes së tubimit.
10. Shpalljen publike e bën Zyra për Komunikim me Publikun.
11. Tubimet publike i udhëheq dhe i kryeson Kryetari i Komunës apo përfaqësuesi i tij.
12. Kryetari është i autorizuar ta caktojë rendin e ditës dhe procedurën për udhëheqje të diskutimeve. Në rast nevojë, ka të drejtë t'i ndërpresë diskutimet për çështjet që nuk kanë të bëjnë me përgjegjësitë dhe pushtetin e Komunës. Ai mund t'i refuzojë, t'i thërrasë ose t'i dëgjojë diskutuesit të cilët prezantojnë ose përsërisin pikëpamjet dhe mund ta caktojë kohën e parapare për diskutim.
13. Nëse shirohet ndonjë pyetje gjatë tubimit publik, për të cilën nuk mund të jepet përgjigje menjëherë, parashtruesi ka të drejtë të kërkojë përgjigje me shkrim brenda 30 ditësh pas mbajtjes së tubimit.
14. Për çdo tubim publik mbahet procesverballi, i cili përmban të gjitha informatat e dhëna nga përfaqësuesit komunal, propozimet e parashtruara nga publiku dhe reagimin ndaj tyre, si dhe të gjitha pyetjet dhe përgjigjet e dhëna.
15. Procesverballin me të gjitha çështjet e diskutuara dhe propozimet e dhëna, në afat prej 30 ditësh nga dita e mbajtjes së tubimit, e shqyrton Komiteti për Politikë dhe Financa. Komiteti analizon çdo propozim të parashtruar në tubim dhe bën rekomandimet e nevojshme, të cilat ia propozon Kuvendit të Komunës për tubimin e radhës.

Neni 8 **Konsultimi publik i akteve komunale**

1. Rregulloret dhe dokumentet me interes të përgjithshëm të Komunës i nënshtrohen diskutimit publik para se ato të miratohen. Organi përgjegjës që propozon dokumentin, cakton mënyrën e konsultimit me grupet e interesit, seancat dëgjimore për publikun dhe forma tjera të pjesëmarrjes së publikut.

2. Zyra përgjegjëse për informim njofton publikun për pjesëmarrje të publikut për diskutim publik, përmes:
 - a. shpalljes publike në vendet më të frekuentuara brenda territorit të komunës,
 - b. medieve të shkruar, elektronike dhe
 - c. ueb faqes së Komunës.
3. Njoftimi publik, sipas paragrafit të 8.2 të këtij neni, duhet të përmbajë datën e mbajtjes së mbledhjes, kohën e mbajtjes së mbledhjes, vendin e mbajtjes së mbledhjes dhe rendin e ditës të paraparë për atë mbledhje.
4. Organi kompetent që ka propozuar aktin, duhet të marrë pjesë aktivisht dhe të sqarojë përmbajtjen e aktit para publikut.
5. Propozimet e dhëna nga publiku gjatë konsultimeve, duhet të evidentohen. Propozimet shqyrtohen brenda 15 ditëve nga përfundimi i konsultimeve.
6. Organi që ka propozuar aktin, duhet të informoj Kuvendin për propozimet e dhëna në diskutim publik, duke përfshirë propozimet e refuzuara, si dhe ato të marra parasysh. Me rastin e miratimit të aktit, Kuvendi kujdeset që propozimet e argumentuara të përfshihen në tekstin përfundimtar të projektit.

Neni 9

Caktimi i zyrtarit përgjegjës

Përgjegjës për koordinimin e procesit të konsultimit publik është propozuesi i dokumentit të caktuar dhe njësit/zyrtari për komunikim publik.

Neni 10

Parimet e konsultimit publik

1. Komuna organizon konsultimet publike me qytetarë në përputhje me parimin e:

- 1.1. **Ligjshmërisë** - duke siguruar se procesi i konsultimit publik zhvillohet në pajtim me dispozitat e legjisllacionit në fuqi dhe rregullat e përgjithshme të zbatueshme brenda kompetencave komunale;
- 1.2. **Transparencës** - që nënkupton një qasje e hapur e Komunës për të garantuar se qytetarët dhe palët e interesuara janë të informuara dhe kanë qasje në të gjitha dokumentet në procesin e konsultimit publik dhe në gjuhët zyrtare;
- 1.3. **Barazisë dhe mos diskriminimit** - në mënyrë që të gjitha palët e interesuara të kenë qasje të barabartë dhe jo diskriminuese në procesin e konsultimit publik;
- 1.4. **Efikasitetit në procesin e konsultimit publik** - duke mundësuar aplikimin e formave dhe teknikave më të përshtatshme për të kuptuar më lehtë përmbajtjen dhe ndikimin e pritur të projekt-propozimeve.

Neni 11

Dokumentet për konsultim publik

Komuna është e obliguar të ofroj konsultimin publik për të gjitha dokumentet e politikave lokale si në vijim:

- 1.1. Projekt-Planin Vjetor të Punës së Kuvendit të Komunës dhe Kryetarit të Komunës / ekzekutivit;
- 1.2. Projekt-buxhetin e Komunës për vitin vijues, si dhe rishikimin buxhetor;
- 1.3. Korniza Afatmesme Buxhetore për 3 vjetë e ardhshme;
- 1.4. Strategjitë Zhvillimore dhe Planet e Veprimit në nivel lokal në kuadër të fushave sektoriale;
- 1.5. Të gjitha projekt-planet hapësinore në nivel lokal, konform legjislacionit për planifikim hapësinor;
- 1.6. Të gjitha dokumentet e tjera për të cilat Komuna vlerëson se janë të nevojshme të kalojnë në konsultim publik;
- 1.7. Çfarëdo dokumenti tjetër të parapara në legjislacionin e zbatueshëm që duhet t'i nënshtrohet procesit të konsultimit publik.

Neni 12

Format dhe teknikat e konsultimit publik

- 1.1. Publikimet dalin edhe në Platformën për Konsultime Publike të Qeverisë të integruar si lidhje në ueb-faqen zyrtare të Komunës:

Neni 13

Planifikimi i konsultimeve publike

1. Planifikimi i përgjithshëm konsultimeve publike bëhet që në fazën e hershme gjatë hartimit të planit të punës së Komunës për vitin e ardhshëm kalendarik si dhe me rastin e hartimit të planit për komunikim publik.

Neni 14

Zbatimi i standardeve të konsultimit publik

1. Komuna bën publikimin e projekt-propozimeve në ueb-faqet zyrtare të Komunave dhe në Platformën e Konsultimeve Publike në nivel qendror.
2. Projekt-propozimet të cilat i nënshtrohen konsultimit publik duhet të jenë të qarta dhe kompletuara me të gjitha dokumentet përcjellëse.
3. Komuna për politikën e caktuara të parapara në legjislacionin në fuqi, duhet të siguroj konsultimin në fazat e hershme të hartimit palët e interesuara që ndikohen apo janë të interesuara të ndikojnë drejtpërdrejt në procesin e vendimmarrjes.
4. Komuna është e obliguar të shpall rezultatet e procesit të konsultimit publik, të publikoj raportin më të

gjitha propozimet e ofruara nga qytetarët, si dhe të jap sqarimet e nevojshme lidhur me arsyet e refuzimit të kërkesave të qytetarëve apo grupeve të tjera të interesuara.

Neni 15

Aktet nënligjore të Komunës për konsultim publik

1. Aktet e komunës që i nënshtrohen procesit të konsultimit publik janë:
 - 1.1 Draft-Statuti i Komunës;
 - 1.2 Projekt-Rregulloret Komunale;
 - 1.3 Aktet tjera që parashihen me ligjet sektorial

Neni 16

Mbikëqyrja e procesit të konsultimit publik

- a). Kryetari i Komunës siguron që projekt propozimet e dorëzuara për aprovim në Kuvendin e Komunës të përmbushin standardet minimale për procesin e konsultimit publik.
- b). Kuvendi i Komunës refuzon aprovimin e projekt propozimeve në rastet kur nuk janë përmbushur standardet minimale të konsultimit publik sipas kriterëve të përcaktuara në këtë udhëzim administrativ.

Neni 17

Koordinimi, bashkëpunimi dhe raportimi

1. Komuna obligohet të koordinohet me MAPL dhe me Zyrën për Qeverisje të Mirë/Zyra e Kryeministrit dhe për ngritjen e kapaciteteve të zyrtarëve komunal për konsultim publik.

Neni 18

Transparenca e vendimeve të organeve të Komunës

1. Publikimi në faqen zyrtare të Komunës i akteve normative të komunës me karakter të përgjithshëm është i obligueshëm në afat prej 7 dite pune nga konfirmimi i ligjshmërisë së vendimit.
2. Të gjitha vendimet e Kryetarit të Komunës pas nënshkrimit dhe pas konfirmimit të ligjshmërisë publikohen në faqen zyrtare të Komunës.
3. Aktet normative dhe vendimet e organeve të Komunës dërgohen në njësinë përgjegjëse për publikim në faqen zyrtare të Komunës në formën elektronike, në gjuhët zyrtare dhe në formatin e përcaktuar nga njësi/zyrtari përgjegjës/e për publikim të aktit normativ dhe vendimet e organeve të komunës.

Neni 19

Transparenca financiare

1. Komuna obligohet në transparencë të planifikimeve dhe shpenzimeve buxhetore duke ndërmarrë veprime konkrete në publikimin e tyre në faqen zyrtare të Komunës;
2. Plani i buxhetit pas aprovimit në Kuvendin e Komunës dhe vlerësimin e ligjshmërisë nga organi mbikëqyrës;
3. Raportet tre mujore financiare sipas afateve të parashikuara me legjislacionin sektorial;
4. Korniza Afatmesme Buxhetore (KAB) pas aprovimit në Kuvendin e Komunës dhe vlerësimin e ligjshmërisë nga organi mbikëqyrës;
5. Raporti përmbledhës financiar për vitin e kaluar fiskal sipas afateve të përcaktuara në legjislacionin sektorial;
6. Publikimi i Raportit të Zyrës Kombëtare të Auditimit.

Neni 20

Transparenca në aktivitetet e prokurimit

1. Komuna publikon në faqen zyrtare elektronike çdo aktivitet të prokurimit, publikimi i të cilave është i përcaktuar me legjislacionin sektorial.
2. Komuna publikon planin dhe raportin e prokurimit në faqen zyrtare elektronike, ashtu siç përcaktohet me legjislacionin sektorial.

Neni 21

Qasja e drejtpërdrejtë në informata dhe dokumente publike

1. Komuna siguron qasje në informata dhe dokumente publike përmes faqes zyrtare të saj:
 - 1.1 Planin e Punës së Kryetarit dhe Kuvendit të Komunës;
 - 1.2 Planin për Konsultim Publik
 - 1.3 Planin për Komunikim Publik
 - 1.4 Strategjitë dhe dokumentet e tjera të politikave të miratuara;
 - 1.5 Planin Zhvillimor Komunal, Hartat zonale dhe planet rregulluese urbane;
 - 1.6 Raportin Vjetor të Punës së Kryetarit dhe Kuvendit;
 - 1.7 Procesverbalet e takimit të Kuvendit të Komunës dhe komiteteve obligative;
 - 1.8 Të dhënat për biografitë e udhëheqësve të lartë të organeve të komunës dhe anëtarëve të KK-ve;
 - 1.9 Emrin, numrin e telefonit zyrtar dhe adresën elektronike të drejtuesve të njësisë brenda institucionit;
 - 1.10 Listën e hollësishme të shërbimeve që ofron institucioni për publikun, si: licenca, leje, autorizime, certifikata, vërtetime apo shërbime publike të tjera, ku përfshihen edhe:
 - 1.10.1 Procedurat dhe kushtet e përfitimit të tyre;
 - 1.10.2 Afati i detyrueshëm për të marrë përgjigje për shërbimin e kërkuar.

Neni 22
Hartimi i Planeve Vjetore të Punës në Komuna

1. Komunitat obligohen që të hartojnë Planet Vjetore të Punës së Kryetarit të Komunës dhe të Kuvendit.
2. Në përputhje me pikën 1 të këtij neni, Komunitat obligohen të hartojnë Planin për Komunikim me Publik dhe Planin për Konsultim me Publikun.

Neni 23
Format e përfshirjes së qytetarëve në vendimmarrje

1. Komuna siguron mekanizma të përfshirjes së qytetarëve në proceset vendimmarrëse në çdo fazë të procesit të hartimit dhe zbatimit të politikave lokale, duke filluar nga:
 - 1.1. Planifikimi;
 - 1.2. Diskutimi;
 - 1.3. Marrja e vendimit;
 - 1.4. Implementimi dhe
 - 1.5. Monitorimi.
2. Mekanizmat e lartpërmendura duhet të shfrytëzohen me qëllim të përfshirjes së qytetarëve në vendimmarrje, si:
 - 2.1. Informimi me kohë dhe komunikimi, përmes së cilëve qytetarët do të mund të shprehnin sugjerimet, kërkesat dhe vërejtjet e tyre;
 - 2.2. Përfshirjen e qytetarëve në grupet punuese;
 - 2.3. Organizimi i takimeve periodike me qytetarë në fshatra dhe lagje;
 - 2.4. Themelimi i Komiteteve konsultative për pjesëmarrjen e qytetarëve në vendimmarrje, në veçanti për planifikimin hapësiror dhe buxhetin;
 - 2.5. Fuqizimi i bashkëpunimit mes Komunës dhe shoqërisë civile.
3. Duke promovuar qeverisje të mirë, komunitat inkurajojnë personat me nevoja të veçanta të moshuarit, minoritetet, të rinjtë, gratë në procesin e vendimmarrjes duke gjetur forma dhe mekanizma shtesë.

Neni 24
Plani i Veprimit për Transparencë në Komunë

1. Komuna obligohet të hartojnë Planin katër (4) vjeçar të Veprimit për Transparencë në Komunë dhe pas miratimit në Kuvendin e Komunës, i njëjti publikohet në faqen zyrtare të komunës.
2. Plani i veprimit për transparencë në komunë ka për synim t'i ofroj publikut qasje në monitorim dhe zbatim të akteve të komunës, duke përfshirë edhe menaxhimin e financave publike dhe përgjegjësi, prokurimit dhe sferave tjera të cilat janë në interes për publikun.

3. Plani duhet të përfshijë:

- 3.1 Mbledhjet e Kuvendit të Komunës;
- 3.2 Mbledhjet e Komiteteve;
- 3.3 Takimet publike;
- 3.4 Takimet konsultative;
- 3.5 Takimet obligative në media për çështje që lidhen me shfrytëzimin e buxhetit të Komunës;
- 3.6 Shpalljet publike në vendet më të frekuentuara brenda territorit administrativ të Komunës;
- 3.7 Takimet me grupet e interesit për të diskutuar çështje të sigurisë në bashkësi;
- 3.8 Qasje të shpejtë dhe transparente të shërbimeve për qytetarët;
- 3.9 Procedurat transparente të prokurimit;
- 3.10 Procedurat transparente të punësimit;
- 3.11 Publikimin e aktiviteteve ditore në faqe zyrtare;
- 3.12 Përfshirja aktive e qytetarëve në vendimmarrje.

Neni 25

Gjuhët për komunikim zyrtar

1. Pjesëtarët e komunitetit pakicë kanë të drejtë të komunikojnë në gjuhët e tyre, në të gjitha organet e Komunës dhe me të gjithë nëpunësit civil të Komunës. Anëtarët e Kuvendit të Komunës kanë të drejtë të shprehën në gjuhët e tyre në mbledhjet e Kuvendit dhe në organet e tij.
2. Në mbledhjet e Kuvendit të Komunës, të komiteteve, të Këshillit të Drejtorëve dhe në të gjitha tubimet publike, diskutimet mund të bëhen në të dy gjuhët, në gjuhën shqipe dhe në gjuhën serbe.
3. Aktet normative të Komunës shtypen në gjuhën shqipe dhe në gjuhën serbe. Të gjitha dokumentet zyrtare të lëshuara nga organet e administratës, jepen në gjuhën e palës. Gjuhë e palës konsiderohet gjuha në të cilën pala fillimisht i drejtohet Komunës.
4. Rregulloret Komunale dhe vendimet mund të shtypen edhe në gjuhën e një komuniteti tjetër, nëse ai komuniteti e kërkon atë.
5. Shenjat zyrtare që tregojnë emrat e fshatrave, të vendbanimeve, të rrugëve dhe të vendeve tjera publike, janë në gjuhën shqipe dhe në gjuhën serbe.
6. Komunikimi me institucionet komunale, institucionet e Republikës së Kosovës dhe organet e organizatave tjera, mund të bëhet në gjuhën shqipe dhe në gjuhën serbe. Gjuhët tjera mund të përdoren në pajtim me Ligjin për Përdorimin e Gjuhëve.
7. Çështjen e përdorimit të gjuhëve, Kuvendi i Komunës do ta rregullojë me rregullore për gjuhët.

Neni 26

E drejta e publikut për qasje në dokumente zyrtare të Komunës

1. Cilido person fizik apo juridik ka të drejtë në qasje të dokumenteve të organeve komunale, duke ju nënshtruar Ligjit për Vetëqeverisjen Lokale, Ligjit për Qasjen në Dokumente Publike dhe Statutit të Komunës së Ferizajt.
2. Kjo Rregullore vlen për të gjitha dokumentet që mbahen nga organet kompetente të Komunës, të hartuara apo të pranuar nga këto organe, për të gjitha fushat dhe aktivitetet e Komunës, nëse me ligj nuk është rregulluar ndryshe.

3. Personat fizikë dhe ata juridik, nga paragrafi 10.2 të këtij neni, e gëzojnë të drejtën të jenë të informuar për politikën, vendimet dhe punën e organeve të administratës komunale.

Neni 27

Kërkesa për qasje në dokumente zyrtare

1. Kërkesa për qasje në dokumente zyrtare parashtrohet në formë të shkruar, duke u përshkruar informacioni që kërkohet, në mënyrë që Komuna ta identifikojë dokumentin. Parashtruesi nuk është i detyruar t'i japë arsye për parashtrimin e kërkesës.
2. Nëse kërkesa nuk është e saktë lidhur me informacionin që kërkohet, organi kërkon nga parashtruesi që të qartësojë kërkesën.
3. Organet kompetente komunale e kanë për obligim që, në afat prej 7 ditësh nga dita e marrjes së kërkesës, t'i kthejnë përgjigje me shkrim parashtruesit të kërkesës. Nëse kërkesa refuzohet, pala e pakënaqur me përgjigjen ka të drejtë ankese. 15 pas pranimit të vendimit, mund të ushtrohet ankesa e cila i dorëzohet Agjencisë për Informim dhe Privatësi, që në afat prej 7 ditësh pas pranimit të ankesës të ofrojë përgjigje me shkrim ndaj pretendimeve të ngritura nga ankuesi.
4. Nëse organet komunale nuk përgjigjen brenda afatit kohor të përcaktuar, parashtruesi ka të drejtë ta ushtrojë kërkesën konfirmuese. Në rast se kërkesa konfirmuese refuzohet plotësisht apo pjesërisht, organi komunal kompetent e njofton parashtruesin me mjete ligjore që i ka në dispozicion ai/ajo (nësjë e procedurës gjyqësore ose parashtrimin e ankesës Avokatit të Popullit).

DISPOZITAT KALIMTARE DHE PËRFUNDIMTARE

Neni 28

Me hyrjen e kësaj Rregullore në fuqi, shfuqizohet Rregullorja për Transparencë e miratuar nga Kuvendi i Komunës së Ferizajt më 27.11.2014.

HYRJA NË FUQI

Neni 29

Kjo Rregullore hyn në fuqi ditën e miratimit të saj nga Kuvendi i Komunës së Ferizajt dhe pas publikimit në ueb faqen zyrtare të Komunës.

KRYESUESË E KUVENDIT TË KOMUNËS


Kristina Gashi-Bytyci